

劉夢得文集

宋蜀刻本唐人集



本社編

宋蜀刻本唐



YZLI0890174396

第十册

韶氏文集

夢得

卷一至卷四

劉夢得文集卷第一

賦

大鈞賦

砥石賦

焚望賦

傷往賦

何卜賦

謫九年賦

望賦

山陽城賦

秋聲賦

大鈞賦并序

序

始余失臺郎爲刺史又貶州司馬俟罪朗州三見閏月
人咸謂數之極理當遷焉因作謫九年賦以自廣是歲
臘月

詔追明年自闕下重領連山郡印綬人咸曰美惡周必
復第行無恤歲杪其復乎居五年不得調歲二月有事
于杜前一日致齋孤居慮靜滯念欬起伊人理之不可
以曉也將質諸神乎謹貢誠馳精敢問大鈞其夕有遇
寤而次第其辭以爲賦

圓方相函兮浩其無垠
窅窅關兮走三辰以騰
振孰主張是兮有工其
神迎隨不見兮強名之
曰大鈞歌以臨下兮魏
乎雄尊天爲獨陽高不
可問工居其中與人差
近身執其權心平其運
循名想象斯可以評曰
嘻蒙

之未生猶泥耳落乎埏埴唯鈞所指忽然爲人爲大幸
矣工賦其形七情與俱嗇智不授卑去聲之以愚坦坦
之衢萬人所趨蒙一布武化爲長途人或譽平聲之百
說徒虛人或排之半言有餘物壯則老乃唯其常否終
則傾亦不可長老先期而驟至今否踰數而叵量雖一
失不獲兮亦大化之攸病謹薦誠上問兮俛伏以聽是
夕寢熟夢遊乎無何之鄉抗陛級乎重宵兮異人間之
景光中有威神巾金甲而燁煌鎮命之使前兮其音琅
琅曰吾大化之一工也居上臨下廉其不平汝今有辭
吾一以聽播形宵貊生類積意橐籥圈匡鎔鍊消息我
之司智初不爾嗇不守以愚覆爲汝賦旣賦汝形輔之
聰明去求世師資適攸宜胡然抗志遐想前列倚梯青

卷一

二

其舉足斯跌韜爾智斧無爲自伐鑿竅太繁夫和乃洩
利淫前誘多逢覆輒名暘內煎外火非熱今哀汝窮將
厚汝愚剔去剛健納之柔濡塞前竅之傷瘕兮招太和
而與居貫以待人兮急以自拘道存家真無示而隅軋
物之勢不作兮見傷之幾自無汝不善用吾焉嗇乎且
夫身而騰氣者膻膻健而垂精者昊昊我居其中猶輪
是蹈以不息爲體以日新爲道僂鱗蜚走灌莽苞阜乃
牙乃甲乃殪乃剖陽榮陰悴生濡死藁各乘氣化不以
意造賦大運兮無有淑惡彼多方兮自生醜好爾奚不
德余以驟壯姑尤我以速老耶觀汝百爲又或不然赤
子哇哇急其能言亦旣名物幾時踴躍春耕其丘投種
之日釋耒而歎何時粟實望所未至謂余舒舒欲其久

留謂我暫如我一子二誰之曲欤彼蒹葭之蒼空霜霽
苦而中堅松竹之皴皴索籜兮不若拊筍之可憐納材
葦而構明堂固容消而力完揚且之哲兮不可以常然
當錫爾以老成蒼眉皓髯山立時行去敵氣與矜色兮
噤危言以端誠俾人望之侮黷不生爾之所得孰與壯
多不善處老問余而何受教而迴遽遽形開嚮之威神
孰爲來哉乃遽衣促盥端慮滌想委珮低簪持簿叩顙
而言曰楚臣天問不訓今臣過幸一獻三售始厚以愚
終期以壽忘上問之罪濯已然之咎心增故術腹飽新
授馳神清玄拜手稽首

砥石賦時在朗州

南方氣泄而雨淫地慝傷物嫗神噫濕渝色壞味雖金

之堅亦失恒性始余有佩刀甚良至是澁不可拔剖其
室乃出朔陽眇眇傳刃蒙脊鱗然如瘡痂如黑子如青
蠅之惡銳氣中錮猶人被病然客有聞焉哀密石以遺
余沃之草腴雜以鳥膏切劑下上真質焯見躊躇四顧
迫爾謝客微子之貽幾喪吾宝客曰吾聞諸梅福曰爵
祿者天下之砥石高皇帝所以礪世摩鈍有是耶余退
感其言作砥石賦

我有利金兮以利爲佩遭土卑而慙作兮雄芒爲之潛
晦如景昏而蝕既兮與肌漆而爲癘顧秋蓬之不可荆
兮尚可遊乎隴髀之外利物蒙蔽材人惆悵俾百汰之
至精蟠一檢而多恙豈害氣之獨然兮將久不試而然
彼屠者之刃兮獵者之鋌不灌不淬兮揉錯銜鈎曰鼓

曰揮兮刳腹擊鮮睨燿燿以耀芒蒼溟夷而騰羶豈不
涉暑而蒙沴兮鼎用之而成妍有客自東遺余越砥圭
形石質蒼色膩理刻其鱗皴滑以滌滌如衣澣垢如鼎
出否霧盡披天萍開見水拭寒焰以破背擊清音而振
耳故態復還宝心再起旣賦形而終用一蒙垢焉何恥
感利鈍之有時兮寄雄心於瞪視嗟乎石以砥焉化鈍
爲利法以砥焉化愚爲智武王得之商俗以厚高帝得
之傑材以湊得旣有自失豈無因漢氏以還三光景分
隨道闊狹用之得人五百餘年唐風始振懸此大砥以
礪兆民播生在天成器在君天爲物天君爲人天安有
執礪世之具而患乎無賢歟

楚望賦并序

序一

口

予既謫于武陵其地故郢之裔邑與夜郎諸夷錯繫乎
天者陰伏陽驕是以繫乎人者風巫氣祲是已踰秦浮
浮利于樓居城之麗譙實鄰所舍四垂無蔽万景空入
因道其遠迹所得爲楚望賦云

翼輶之野祝融司方陰迫而專專實生沴天需而零土
洩而泥氣罕淑清兮淫氣瞢瞢中人體支兮爲痿爲瘵
以曠滌煩兮利居高干物外我卜我居于城之隅究在
蒲落麗譙渠渠四向垂空洞戶發樞眸子不運坐陵虛
無歲更周流時極慘舒万象起滅森來貺予櫺軒之外
群山龍嵒岡陵靡阨勢若相拱出雲見怪窈蔚森聳露
夕霞朝望如飛動蒼廡之下大江傾洞支流合輸泄入
雲夢羲和望舒出沒兩涵藩泳之族聲取噫呀秋水灌

盈漩石飄沙流枿軒昂舞于盤渦逮及收潦澹如綠醪
白石磷磷倒影羅生蘋末風起有文無聲悠遠煙絲與
空蒼然湘沅之春先令而行臘月寒尽溫風發榮土膏
如濡言鳥嚶嚶三星曙其曉中植物颯以飄英雲歸高
唐草蔽洞庭目與天盡神將化并圓方相涵遊氣杳冥
熙熙藹藹藻飾群形枿樹童丘積空凝青環州曲塘舍
景曜明恢台之氣發于春季涉夏如鑠逮秋愈熾土山
焦熬止水漢沸翔禽趾墮呀喙垂翅曦赫敲蒸陽極召
陰二儀交精下上相歆雲興天際欸若車蓋凝壚未瞬
弥漫靈霽驚雷出火喬木糜碎勢地蕪空万夫皆廢懸
雷綆縋日中見昧移晷而收野無完塊少陰之中景物
澄鮮丹葉星房燭耀川原夕月既望曜于丹泉上鏡下

卷一

五

水湔塵濯煙宿麗潛芒獨行高躔皓一氣之悠悠潔有
形而溢清玄香微明又斐齋想遊目於化先夜無朕以
徂征金霞暈乎海壖明星方楊斜漢西懸璿柄如墮半
沉曾瀾鷄喁晰而晨鳴今日荏苒以騰晶動植瞭兮已
分山川鬱乎不平復人衆之誼卑洶浩浩以營營追向
時之景光不可驟得以再更意華胥之夢還猶仿像而
馳精日次于房天未降霜百卉猶澤水泉收咏故道駿
音宣音宣削衍爲廣片水禽嬉戲引吭伸翮紛驚鳴而決起
捨絲翠于沙礫時時北風振槁陽埃簫條邊聲與鴈俱
來寒氛委積万竅交激楚雲改容飛雨凝滴洒林遞響
淅瀝梢撼飛電照雪以騰光柔疏傲霜而秀拚躔次殊
氣川谷異宜民生其間俗鬼言吏招二閭以成謠德伏

波而構祠投粃糗以鼓戢豢鱸魴而如蟻蟠木靚深孽
袂憑之祈年去癘蠲疴祗威繫鼓肆遑何勞水湄薦誠
致祝却略躩踞渚居蠡食大掩水物罟張餌啗不可遁
伏頭辛潜繼晝撞夜觸設機沉深如拾于陸彼遊儻之
璅類咸跳脫於窘束雖三趾與六眸時或加乎一目亦
有輕舟軒輕泛浮拖綸往復馴鷗相逐暮夜澄寂嘯歌
群族僮音俚態幽怨委曲逗踈杙於江城引哀援於山
木巢山之徒桴木開田灼龜伺澤兆食而燔爇攸起于
巖阿騰絳氣而瞥天重歎雨濡穎垂林巔盜天和而藉
地勢詠無勞而有年罷士閑人逸爲末作求金渚洙陶
汰灋潯流注瀆池繁光熠燿貪賈來貿發於懷握無翼
而飛潤于豐屋晒耕耘之悒悒徒胼胝以自鞠我處層

軒日星迴還閱天數而視民風百變見乎其間非耳剽
以億說兮固幽求而縱觀觀物之餘遂觀我生何廣覆
與厚載豈有形而無情高莫高兮九閭遠莫遠兮故園
舟有楫兮車有輅江山坐兮不可越吾又安知其所如
悅臨高以觀物

傷往賦并序

人之所以取貴於蜚走者情也而誕者以遺情爲智豈
至言邪予授室九年而鰥痛苦若人之天閼弗遂也作賦
以傷之異夫覽者有以增伉儷之重云

歎獨處之邑邑兮憤伊人之我遺情可殺而猶毒境當
歡而復悲人或朝歡而暮息夫何越月而踰時大極運
乎三辰轉寒暑而下馳有歸於無兮盛復于衰猶昧爽

之必暮又安得而怨咨我今怨夫若人今曾旭旦而潛
暉飄零日反之萼倏忽蟬蛸之衣川走下而不還露迎
陽而易晞恩已甚兮難絕見無期兮永思我行其野農
民桑者舉按來鱣亦在林下我觀于途裨販之夫同荷
均挈荆釵布襦羽毛之蕃鱗介之微和鳴灌叢雙泳連
漪薨薨伊蟲蠢蠢伊豸游空穴深兩兩相比何動類之
萬殊必雄雌而與俱物莫失儷以孤處我方蹢躅而焉
如我復虛室自淒涼兮心伊鬱兮伊鬱兮將語誰坐丘
牀兮撫嬰兒何所丐沐兮何從仰飴襦袴在身兮昔園
差跌輦囊附辟兮餘馥歲蕤誠天性之潛感顧童心兮
如疑嘒然有難繼之慕漠然減好弄之姿指遺桂兮能
認溯空帷兮欲歸我入寢宮痛人亡兮物改其容寶瑟